

四庫全書

子部

欽定四庫全書

子部
仁端錄卷九

詳校官太醫院吏目臣周世泰

編修臣倉聖脈覆勘

總校官庶吉士臣何思鈞

校對官學正臣常循

謄錄監生臣潘河

欽定四庫全書

仁端錄卷九

明 徐謙 撰

陳葵 刪定

痘疹雜症論

痘當毒而雜症俱發是痘症為本而雜症為標然雜症
無常期而痘症有定候痘之本症向緣失治而作不可
徒治雜症故心鑑由治雜症一寸則痘症落後一大但

雜症不去則痘亦反為所害六日以前毒發未盡有雜症者常也六日以後毒當盡出雜症當除而不除者為逆須急治之故痘症重而雜症輕者則禰症之藥加入痘症藥內是緩則治其本也痘症輕而禰症重者則先逐禰症後調痘症是急則治其標也能精察痘中自現之症治痘易易矣

面色門

痘以心血為主心熱煩躁驚悸面赤皆心經症見也故

面赤為順若見青色是肝木尅制脾土也色不與病相應所以為逆壯實者必至生風虛弱者必至下痢厥逆面色青黃唇口淡白乃脾瘕也慎勿因痘枯焦用寒涼太過以致泄瀉蓋痘以脾胃為主脾胃一傷則毒氣下陷虛火上熾必至發喘發渴

面赤如塗朱者凶此邪氣拂鬱於陽明也陽明經上循於面熱盛故赤也宜清解而稍兼利

面垢而慘黯者凶此邪熱拂鬱於少陽也宜表裡俱解

之蓋少陽從中治也

熱甚便閉飲冷面赤者用犀角解毒湯

灌漿時發熱煩躁作渴面赤者用當歸補血湯

痘毒鬱遏風寒內搏凝滯肌膚遍身青色者用透肌散

鼻封眼合門

心肝脾肺腎應耳目口舌鼻鼻乃肺竅肺主氣痘賴氣以拓充鼻封則氣外束而不泄眼乃肝竅肝藏血痘賴血以滋養眼合則血內滯而不滯如是則毒為制化矣

若痘順而稀則陰陽相輔鼻不封而氣自充眼不合而血自榮若痘逆而密則陰陽不和鼻不封則氣不充眼不合則血不榮故犯於血分者必有焦皮鐵葉之色犯於氣分者必有吐衄蓬房之形

三日而封合者易充易靨六日而封合者難足難痂封而不合則陰不滋陽合而不封則陽欠衛陰封者十之三四合者十之七八十三日是眼開之期若過期而不開必熱毒未盡解也當防其壞目

若封而有涕合而有淚者生全之兆

若鼻封而竅外乾黑眼合而眶上如煤者必死

頭痛門

痘中雜症只有頭疼為輕

發熱時風邪入於諸陽之會故令頭疼用清徹湯

有因氣血俱虛而痛者用補中益氣湯

發熱惡寒咳嗽而疼者用參蘇飲

熱氣上攻痰壅頭疼者用二陳湯加山梔荆芥黃芩薄荷

荷石膏

目疾門

眼闕五臟痘發時五臟之火皆動故兩目朦朧神倦不開者痘也目中汪汪若水者疹也諸瘡皆屬心火故其候見於目目赤者心熱甚也目連劄者肝有風也目直視者肝有熱也因而搖動者肝風與心火相搏也痘疹發搐此其常候但瀉心肝二火搐止者吉不止者凶未出之初即與清肝必無目疾

痘前目疾

此時眼中無痘常淚出多眵者肝熱盛也早服瀉肝火之藥以解之

發熱時果係痘症即防痘瘡入眼用護眼法用蟬脫散或洗肝明目散加蟬脫

痘瘡入眼用鱉血或象牙磨水抹之或生地附子搗爛貼足心即愈

風腫翳膜餘熱攻目用蟬脫散

痘中目症

發熱及見點時風熱上攻兩目紅腫用芎蘇散加荊芥
防風蟬脫

痘已盡出而目淚不止痘不起脹者肝熱也宜補脾滋
腎以培其根令肝木自旺不然則木絕而火無生氣不
能起脹而死矣朝服補中益氣湯暮服六味地黃丸以
滋腎

痘已出齊因血熱毒盛而上攻於目以致兩目赤腫痘

色乾紅二便閉塞睡卧不寧用犀角地黃湯加連翹牛
蒹荊芥

眼胞腫者必傷於飲食脾經熱毒食積發熱而然也

露白

七日前露睛者毒尚未解痘少者可勿藥若痘密而露
睛者宜重溫補得目閉者生不閉者母氣離子氣敗必
不能灌漿而死

起脹灌漿時兩眼不合而光爍者死

兩目閉而露睛或如魚眼貓眼者不治

目無魂失意智不省人事者不治

露神

眼乃神光神者心之主毒氣入心亦傷神故神為毒迫而離本位現為眼光異於常時者名曰露神一時精彩倍常身體神氣卓然有餘此燈欲滅而復明之象也須臾即死

落日棲霞

雙目倒停不轉動或轉掣如電光閃爍或忽紅忽白經
云落日棲霞人不識等閒停閃難推測忽紅忽白如電
光驟然死去誰留得此症多於將靨及痲時見之蓋初
時失解火毒復入內傷五臟至落痲時二十四朝忽然
而死

痘後目症

目病多屬風熱血少痘蘊熱毒自裡達外苟氣血弱而
不能逐毒則火內蘊而熱極生風血脉遂行斯入眼矣

故痘瘡入眼不在於初多在於收靨不齊之時或還元之後其時滿面痘瘡破爛重復腫灌者膿血膠固毒蒸入眼或同痘瘡倒陷復起多致入目以其歸毒于肝腎也或痘出多成就遲醫用辛藥發之令痘入目或靨期喜啖辛熱謂之乾漿內外火煽亦令入目或失于清解或逼於火氣或衣被過煖或客冒風寒或恣食鵝鴨雞蛋皆能令氣滯血凝毒存生障為眼之患蓋其翳膜遮睛有似痘瘡而實非也此毒氣留於氣血之分耳有靨

時翳起眼白捱至黑珠漸至腫神者有痘後三五日而紅腫疼痛者在白睛者久當自去惟黑珠上或掩瞳神者當調治收功于數十劑之後勿驟用寒涼藥峻攻其裡而疎利其下又勿輕用點洗令鬱火不收後復腫作腫神或突凹或損破則難治大抵痛者易治不痛者難治早用竹葉湯調瀉青丸加砂糖連進二服微利即愈又用洗肝散蜜蒙花散通聖散兔糞丸外用吹耳丹灸大杼穴一壯或水磨象牙汁點眼或水磨新橄欖核汁

或水磨雌雄二檳榔汁以津潤開眼縫鴨羽拖點眼

痘後眼閉雖暗中亦不開者防目中有瘡用望月砂散
痘後目胞高腫而不流淚乃脾經濕熱非翳也用蒼朮
浸潤炒乾黃連加防風升麻生甘州為末蜜水調服

痘後頭忽腫兩目不開乃風熱非痘毒也用祛風湯加
竹葉若肝經風熱先用柴胡麥冬湯次用四物湯加山
梔或犀角地黃湯加柴胡或消毒化斑湯

風毒腫痛生翳用蟬脫散

腫痛眼流眵淚昏暗羞明用秦皮散

痘後眼胞紅腫不開靨後復灌難收乃血熱毒壅不解
也用犀角解毒湯

腫脹不開外突如桃用雞蛋清調黃連末塗兩太陽穴
及兩足心外用護眼膏

痘後目赤腫痛庖疹紫色身體煩躁毒鬱心肝二經火
盛尅金不能平木木勝則火亦炎上而冲于目矣用
犀角地黄湯加連翹牛蒡草決明龍胆草

痘後心熱盛而生肝風上攻眼痛紅絲繞睛大便堅閉
用涼肝丸或洗肝散加黃芩黃連芒硝下之或柴胡梔
子散瀉黃散後用柴胡麥冬散秦皮散

昏暗用柴胡梔子散加石決明石膏羌活谷精草菴豆
皮甘菊金銀花

翳膜用本方倍加石決明谷精草白蒺藜蟬退為末羊
肝湯調服或瓜蒌散威靈仙散

青翳用谷精草散蟬脫散

赤翳用地黃散倍加谷精草

赤脉侵睛用羚羊角散

木火相搏用四物湯加山梔丹皮繼用加味逍遙散

虛翳用滋陰地黃九蒸氣湯

痛極用浮萍散

肝腎熱毒治宜活血解毒活血不至太熱解毒不至太冷五臟平和則目翳自去用蟬脫散四物湯加柴胡

痘後目閉羞明淚出暗處能開此肝虛帶火邪也宜涼

肝養血用洗肝明目散加密蒙蟬蛻黃芩或涼肝明目散瀉青丸猪蟬散

肝虛熱用羊肝丸

只羞明不紅赤者腎水不足血少神勞也宜壯水主以鎮陽用益陰地黃丸

肝腎俱虛用羚羊虎丸

脾虛右關脉弱者朝用益氣湯夕用五味異攻散

痘後眼胞紅腫不開口舌生瘡咽喉疼痛曾服過辛熱

藥者須用清解黃連解毒湯犀角地黃湯

因食毒物致目睛突出者須宜解利用二仙方

患半年一年餘者用蟬脫散曾服過通利藥者量脾補胃

若向有疳積肝腎因而患目者用九味蘆薈丸六味地黃丸

翳漸退用柴胡麥冬散

凡兒乳食者當令母服清解藥用柴胡梔子散加味道

遙散

痘後未滿二十一日而餘毒患眼者用消毒化斑湯

二十一日後而患眼者用柿乾通聖散羚羊角散

痘後血熱病目脾胃壯實者用

原闕

痘後毒太盛眼熱或服攻藥太過眼珠突出者亟用上
好西牛黃半分清水調塗眼珠上外貼薄竹紙又以甘
草甘遂煎水用毫筆緩緩塗竹紙上即得平愈

痘後目痛生白翳而不見物色者用繆仲淳方

痘瘡攻目壞眼用蛇殼一條洗淨焙燥加蟬脫蛤粉花
粉等分為末入羊肝內每用藥二錢加谷精同煮食

痘眼葡萄花第一服用蟬脫黃連甘菊連翹各一錢密蒙花八分

草決明七分荆芥胆草白蒺藜谷精草各六分蔓荆子木賊

川芎甘草各三分燈心葱白煎服 第二服用蟬脫黃連

川芎生白芍木賊荆芥甘菊生甘草車前子密蒙花白

蒺藜防風胆草燈心煎服

治案

一兒痘後黑睛初起細白點大便順而日晡潮熱有用雞肝花粉威靈仙煮食其瞳神即高腫突出白睛紅腫余用瀉青丸及羽皇散五六劑而愈

一兒白睛生翳漸掩黑睛連用祛風去翳涼血清熱等藥不効即用瀉青丸及羽皇散間服而愈

蟬脫散

治原
闕

蟬脫 密蒙花 兔糞 黑豆殼等分為末每用四錢

以羊肝割開入藥肝內泔水煮肝熟同藥食

洗肝明目散方

治原
關

川芎 當歸 羌活 防風 山梔 柴胡 木賊

龍胆草 密蒙花等分為末每用一錢荊芥湯下

護眼方

胭脂取汁蒸熟點入眼中候痘出齋乃止

又方

蜜調濟寧油胭脂塗眼眶三四次永不傷目

又方

萊豆粉

兩一

紅花

甘草

兩各二

胭脂

兩二

水五碗

煎至二碗

去渣再煎成膏子塗眼眶四圍

又方

審調牛蒡子末塗頤門

又方

白芥子末敷貼足心引熱歸下

又蟬脫散 治風腫翳膜餘熱攻目

蟬脫 丹皮 黃連 白朮 蒼朮 甘草 甘菊

絲瓜子

各一兩

龍胆草

五錢

共為末每服一錢用荊芥湯調

下

瀉青丸方

治

原闕

防風 羌活

川芎

當歸

山梔

大黃

龍胆草

蜜丸薄荷湯送下

保赤洗肝散

治腫痛紅絲繞睛

川芎

當歸

羌活

防風

山查

薄荷

痛加石

膏

谷精草

萊豆皮

翳膜加蟬脫

白蒺藜

熱

痛便閉加黃芩 黃連 大黃

秘要洗肝散

白芍 川芎 當歸 石膏 蟬退 龍胆草 金銀

花 石決明 谷精草 茯苓 木賊 甘菊 萊豆

皮

金鏡洗肝散 治痘後羞明翳淚赤腫

羚羊角 黃芪 黃芩 大黃 升麻 防風 朴硝

草決明 車前子

洗肝明目散

治原

關

川芎 當歸 羌活 防風 山梔 柴胡又加木賊

胆草密蒙花等分每服一錢荊芥湯送下

密蒙花散

密蒙花

二兩
五錢

青箱子

決明

車前

各五
錢

共為末每服

四錢用羊肝一兩批開摻藥肝內濕紙包裹煨熟食之

乾柿通聖散

白菊花 菴豆皮

谷精草

一兩
為末

乾柿

不拘
幾隻

用粟泔

水同煮至乾將柿再烘燥為末與藥和勻每服一錢用金銀花湯調下一方用密蒙花旋覆花

神翳蛤粉散

蛤粉 谷精草等分為末六七錢雄猪肝片以前藥二錢摻入肝內米泔水一盞煮肝熟細嚼吃之即用原汁送下或磨石燕末檳榔末同服尤妙 疳眼加夜明砂兔糞丸

兔糞^{四兩}石決明 草決明 木賊 白芍 防風 谷

精

各一兩

當歸

五錢

蜜丸用荊芥湯送下

又方

兔屎

四兩

甘菊

二兩

白蒺藜

甘草

蟬退

各一兩

蜜丸

羊肝丸

羊肝

具一

當歸

川芎

夏枯草

各一兩

甘菊

柏子仁

各七

錢蜜丸

吹耳丹

輕粉

黃丹

錢一

加麝香

冰片

雄黃

各三分

為末左吹

右吹左內服石燕 檳榔

望月砂散

蒙花 谷精 蟬蛻 各五錢 望月砂 一兩 猪肝 一個 每服一錢

摻肝內扎好米泔水煮食

原方 治痘後頭腫目閉風熱之症

羌活 防風 升麻 柴胡 川芎 當歸 藁本

蔓荊子 細辛 甘菊 黃芩

消毒化斑湯

升麻 柴胡 桔梗 甘草 牛蒡 連翹 防風

胆草 羌活 蟬脫 密蒙花 淡竹葉

又方 治痘未滿二十一日而患目

羌活 升麻 麻黃 防風 藁本 黃芩 生地

蒼朮 川芎 柴胡各五分 細辛 白朮 陳皮 甘草

蘼木 葛根各二分 黃連 黃柏 當歸 連翹各五分

吳茱萸 紅花各一分

秦皮散 治眼流眵淚昏暗羞明

秦皮 滑石 黃連等分煎服

原

方 治痘後眼胞紅腫復灌難收血熱之症

當歸

赤芍

連翹

防風

牛蒡

荊芥

甘草

黃連

花粉

生地

涼肝丸

防風

二兩

人參

赤茯苓

黃芩

元參

大黃

知母

益母草

各一兩

蜜丸棗豆湯下

柴胡梔子散

當歸

生地

丹皮

各一兩

山梔

黃連

各七錢

柴胡

黃

芩

各五錢

川芎

六錢

升麻

三錢

共為末每服三錢

瓜蒌散

決明 赤芍

甘草

各一兩

花粉

五錢

為末密調服

威靈仙散

赤芍

赤茯苓

青箱子

黃芩

大青

大黃

仙

靈脾

威靈仙等分入羊肝內米泔水煮熟食之

谷精草散

谷精草

蟬退

錢各一

兔屎

蛤粉

兩各一

入猪肝内泔水

煮食

地黄散

地黄

熟地

各二錢五分

當歸

三錢

羌活

防風

犀角

谷

精草

木賊

白蒺藜

沙苑蒺藜

黃連

大黃

蟬脫

各一兩

玄參

五錢

木通

甘草

各一錢五分

羊腸湯調服

地黃丸

生地

熟地

各一兩

天冬

枳殼

黃連

五味子

當

歸

黃芩

錢各五

人參

骨皮

錢各二

蜜丸服

益氣湯

人參

黃芪

甘草

錢各五

升麻

葛根

分各四

蔓荊子

分三

白芍

黃柏

分各二

煎服

浮萍散

浮萍陰乾為末每服一錢至二錢以羊肝半個碎研入

水半合絞取汁調勻服之輕者一服即愈重者十服

涼肝明目散

川芎 當歸 柴胡 防風 各一兩 黃連 龍胆 密蒙花 各七錢

羚羊虎丸

羚羊角 虎骨 生地 棗仁 各五錢 肉桂 防風 當

歸 黃芪 各五分 蜜丸 圓果湯送下

原 方 治痘後血熱病目脾胃壯實者

生地 八兩 白蒺藜 五兩 去刺炒 天門冬 枸杞 槐角 各四兩 甘

菊 苦參 木賊 谷精草 羚羊角 各三兩 五倍子 二兩

五錢 密蒙花 二兩 地骨皮 草決明 甘草 各一兩 女貞同黑

豆

六兩

九蒸九晒煉蜜為丸量大小服

消毒撥翳湯

黃連

當歸

牛蒡

花粉

桔梗

甘草

甘菊

山

決木賊

葛根

川芎

羌活

柴胡

防風

白蒺

藜薄荷

生地

密蒙

谷精

山梔

便閉

加酒

製大黃

撥雲散

羌活

荊芥

防風

川芎

白芷

甘菊

龍胆草

石膏

甘草

黃連

山決明

大黃

又方

桑螵蛸炙燥加麝香少許每服三錢米泔水調服

羌活菊花散

羌活 荆芥 防風 連翹 薄荷 生地 黃芩

谷精 龍胆 山梔 赤芍 木通 甘菊有翳者加

草決明白蒺藜

金花散

眼科

黃連 甘菊

枸杞

各一兩

牛蒡

五錢

甘草

一錢

薄荷湯送下

三獸丸

兔屎 谷精 元參 連翹 甘菊 生地 羚羊角

各一兩 丹皮 黃連 知母 牛蒡 金銀花 當歸

犀角 赤小豆

錢各五

柴胡

錢三

羽皇散

鵝不食草

用鹽酒焙乾一兩

谷精

白蒺藜

各一兩

旋覆花

蟬

退川芎

龍胆

錢各五

決明

二兩

羊胆

三具

蜜丸每服五錢

鹽湯送下隨飲酒半盞翳自去

光明丹 治痘後神白星翳先用吹耳丹再看何經用藥引之

川芎 當歸 白芍 生地 錢各七 防風 羌活 錢各六 白

菊花 二兩 谷精 荊芥 草決明 密蒙 葇豆皮 各一兩

蔓荊 旋覆 各八分 兔屎 四兩 羚羊角 犀角 錢各五 目赤加

黃連 龍胆 錢各五 蜜丸如彈子大每日食後薄荷湯送

下

金鏡瀉肝散 治痘後肝經蘊熱目痛

川芎 當歸 白芍 茯苓 荊芥 防風 甘藷

黃連 木通 甘草 蔓荊子

羚羊角

羚羊角 大黃 黃芩 白芥子各一錢 當歸 元參

甘草 木賊 蟬退 朱砂 草決明各五錢 荊芥 白

芷 蒼朮 羌活各一兩 蜜丸如彈子大食後清茶化下

清肝去翳丸

兔屎四兩 蟬脫 白蒺藜 車前子 羚羊角 生地

元參 谷精草 草決明 當歸 丹皮 各一兩 木賊

白豆仁

犀角

各五錢

菊花湯送下

涼膈散

眼科

川芎 柴胡 黃連 防風 蟬退 龍胆 密蒙

雄豬肝

一片

水煎服有翳加夜明砂

便閉加千里馬

風加風捲簾

朱恒田痘眼方

密蒙 龍胆 防風 荊芥 當歸 川芎 甘菊

兔糞或丸或散

塞耳方 治目翳

水銀錢五黃丹錢五和勻砂礮內濕紙封固火燒一日取出

以薄荷紙裹之隨眼左右塞耳

移眼中痘方

鵝不食草

一錢五分

牙皂

雄黃

硃砂

各五分

相思木煎草

子

一錢一名龜卵
草一名金盤膝

共為末吹鼻二三次

神功散 治痘眼翳腫

蛤粉 谷精各一兩 菜豆皮 蟬退 羌活各二兩 共為末

入猪肝內煮熟食

鱖血方

擊鱖尾倒垂之割開頸下取血此須點翳上若翳老加白礬末燈心蘸點之內服密蒙散

秦皮湯

秦皮二兩 秦艽細切 防風各三兩 甘草五錢 水煎分作二

三服

去星方 治痘眼起星或葡萄花壞珠突出神效最速

歸尾

錢四

三白草根

錢六

共搗如泥貼腦後與眼平對早貼

日落有痕五日自平

鼻症門

鼻乃肺竅痘疹發熱之初噴涕者火邪乾肺應鼻而痒而嚏也

鼻乾黑燥者金體本燥得火益甚宜清肺瀉火解毒

鼻衄者血得熱而妄行宜涼血瀉火解毒

鼻流清涕者瘡發於心心肺相連以火煉金熱極而反化為水

痘出後鼻塞不通熱也痘已成漿鼻塞不通鼻內有瘡膿涕粘結收後自脫日久不脫金簪脚通之

痘未成漿鼻端先乾者凶蓋火邪刑肺先見于鼻必致榮衛不行陰陽不續不能輸精于皮毛遍身乾枯而死矣

凡痘變壞鼻中出血鼻孔張開喘急者肺絕也

鼻尖冷者乃脾鬱火毒熱極似寒陽盛格陰之象即傷寒熱極似水之象

唇口牙疳門

口乃脾竅其華在唇四圍舌乃心苗脾之脉係舌本齒上齦屬胃下齦屬大腸齒乃骨餘屬腎惟唇口與五臟內相連故熱毒之發口舌必先受傷也故始終以唇舌紅潤為吉

唇口凶危症

氣粗熱甚舌白至唇濕處為胃爛者 唇口痘稠密餘
痘未發而遠唇一片先已黃腫強硬者 諸症未收而
唇口先已焦枯剝落一層又一層者 唇上痘裂成塊
乾澀者 口中臭氣涎如粘膠脾之精液竭也 唇上
縮者脾絕也 唇下呬呬如魚口者脾熱也 唇四
圍青色者木尅土而脾氣傷也 人中一粒獨大者脾
已腐也 諸處痘雖稀至六日或十二日轉經之時而
發瀉者凶候也

舌唇或紫或白或黑或腫皆實熱之症用加味犀角地黃湯或解毒湯加牛蒡 石膏 生地 木通 荊芥或涼膈散外用玉鎖匙點之 唇口腫硬燥裂者曰繭唇大承脾也用四聖散加硃砂凡熱傷脾胃毒掀于外誤用辛熱或用蜈蚣發痘多有唇腫之症內傷辛熱者亦然宜先升解以化其毒用升麻葛根湯合知母石膏湯次用補益以培其本脾毒既解自能約束津液化生氣血 秘要云兩唇啞啞有聲如魚啞露此大毒乘脾

也初時唇上有血痕者乃下齒破傷上唇脾毒甚矣如傷上唇肉者脾毒入心也不治急用黃連蘆根汁解之

痘初見點口中腥臭者乃毒乘肺胃煎熬內潰之症急治之用清金解毒湯或甘桔湯加連翹蟬蛻芍藥治變失聲喘急噦噎者凶也

唇口雖密若餘處可觀粒粒分珠而不犯內外鎖口粘連如蠶種者可治先以銀針挑破用人乳調珍珠散雞

羽巵點內服升麻黃連石膏等藥得毒化水而愈

痘後唇舌蠕動者脾虛也用補中益氣湯六君子湯
餘痘未收唇口連結乾紅渣滓類紅唇紫者乃欲成肺
癘之症急宜清肺解毒用黃連解毒湯加陳皮當歸芍
藥桔梗甚則大連翹飲兼痰而咳嗽者以參蘓湯主
之

口疳危症

痘痂時唇乾齒燥或唇不蓋齒熱甚不解即防口疳不

早治必變走馬牙疳而死用大連翹飲或敗毒涼血散
加元參 唇腫面虛昏睡不食穿齦潰齒牙脫失聲鼻
崩喉傷皆死症也

口舌生瘡宜辨痘色若紅紫湧盛者熱毒也用清上飲
淡白者虛火也用參麥清補湯並塗赴筵散

口疳治法先要清散次要涼解後要收斂用涼藥不効
當以辛熱反治

牙齦生瘡出血曰牙宣 呼吸氣息惡臭曰息露 口

臭肉爛牙落曰走馬疳

以倏忽潰爛速如走馬

凡幼兒落牙與老人腎虛落牙易治中年走馬牙疳難治以心腎胃三經毒盛不解也一云熱在少陽陽明

痘前用白虎湯加黃芩黃連犀角元參內實者加大黃痘後內服甘露飲或四物湯加黃芩黃連犀角石膏或黃連解毒湯加雄黃九竹葉湯下之外用敷藥如綿

繭散加人中白滑石珍珠冰片或蟬退散加胆礬

二火分煨

棗肉

二枚火煨

五倍子人中白蟬退

各一錢俱用火煨

外用茶葉老

韭淨過敷之

灌期十朝外體倦煩悶身熱口臭此胃中蘊熱也不早治則成口疳諸不治之症故初起即宜用牛蒡白木黃連茯苓桔梗連翹薄荷煎濃徐徐服之

痘後口舌上下牙齦潰爛者皆餘毒不解乘胃薰迫上焦而然也急用清胃化毒湯或解毒犀角丸 外敷人中白散或吹口丹赴筵散桑條枝抹之

毒攻牙根潰爛者殺人甚速先用韭根茶葉煎濃汁以

鵝翎刷去腐肉洗出鮮血敷搽牙散牙疳方一日三次
凡爛至喉者用蘆管吹之

色如乾醬其肉臭爛一日爛一分兩日爛一寸口鼻流
涎面浮唇腫鼻梁發紅點者不治若有黃白膿水者或
可救內服防風荊芥散以解其五臟之毒外敷鴉片馬
疳散

口疳皆胃熱也輕者滿口白糜紅點用金不換吹之重
者牙齦黑爛內服甘露飲外吹棗靈丹

舌胎白者為白口瘡熱在心肺也用川椒山梔黃柏牛
蒡生地木通黃芩便秘加大黃或洗心散外敷硃礬
散舌胎赤者為赤口瘡熱在心脾也用犀角黃連山
梔連翹蒼朮甘草木通主治或洗心散外敷陰陽散
痘後口中糜爛生瘡膀胱移熱于小腸隔腸不使上為
糜也用大承氣湯利之或柴胡地骨皮煎服

痘後滿口生瘡唇口破裂面赤如粧用涼解之藥其病
反劇六脉浮數者乃陰虛火盛水極似火外有假熱內

實真寒是太陽表本之症因中氣不足虛火泛炎無制
也用反治之法理中湯木香散加附子冷服外敷棗靈
丹近義散

唇口生瘡在上唇者蟲食其臟曰狐在下唇者蟲食其
肝曰惑此熱毒蘊內蟲無所食故食肝臟而症見于唇
也好睡聲啞默默不食上下不定失治必致唇燥齒崩
失音而死用黃連除蟲丸或化蟲丸外敷牛黃散
大便閉者用桃仁承氣湯加槐子利之

痘後口疳朝夕用黃連細茶薄荷煎湯頻漱後用吹藥

唇口治案

一痘稠密未起發而唇先黃熟目先虛閉咽喉腫痛不能飲食遍身痘俱平塌幸正額勻朗眼眶口唇雖腫而痘色紅活以甘桔湯加牛蒡連翹山查荊芥陳皮人中黃清利咽喉而解脾毒

一痘四朝稠密未起脹而口唇先黃熟乃內潰之惡候必為唇剝幸餘痘光澤腳軟脾雖受毒根本猶固以補

中益氣湯去白朮加牛蒡連翹山查繼以保元理中湯而愈

一痘稠如綴粟平塌嬌紅血散不附唇口腫硬剝落一層又一層皮薄空漿破如血汁溇瀉煩渴皆為逆候但

能食安靜有胃氣也用人參白朮黃連

各二錢

甘草

一錢日

進三服十四朝厥脉沈靜如死狀痘俱到靨心胸尚溫收日漸甦而愈

口瘡治案

一兒血熱痘後身發熱口臭或疳潰脫上齦門牙左腮

盤牙唇紅乾裂左顴亦紅腫如發毒狀潮州沈三春用

抑揚方

在痘毒門

加蔥汁酒漿調敷腫處若面腫帶青紫色

為實熱必成走馬疳今雖腫而紅始知其另發癰也內

服犀角羚羊黃連黃芩生地桔梗牛蒡甘草白芍花粉

木通紫花地丁牛黃或煎金銀花

一兩

入廣膠

一錢

間搗甘

菊花根葉汁沖入相間服面腫漸平身熱漸退外吹牛

黃

一分

珍珠

三分

青黛

四分

硼砂

猪胆

袋黃柏

人中白

各四分

不

易欬加烏梅灰血竭

各二分

龍骨

一分

因體虛又加人參象

皮灰三黃製蘆干石

各四分

又常以醞醋調雄黃末軟筆

點入潰竅中始能收斂

加味犀角地黃湯

治壯熱口疳

犀角

牛蒡

荊芥

甘草

防風

升麻

桔梗

麥冬

生地

黃連

解毒湯

黃芩

黃連

黃柏

山梔

涼膈散

連翹 薄荷 黃柏 山梔 甘草 大黃 朴硝 咳

嗽 加淡竹葉 桔梗

玉鎖匙

硼砂錢一 朴硝分五 殭蠶條一 冰片分一

清上飲

薄荷 防風 甘草 葛根 牛蒡 連翹 桔梗

黃連 黃芩 麥冬 花粉

清補湯

白芍 川芎 當歸 人參 麥冬 花粉 生芪

牛蒡 連翹 桔梗 甘草 紅花 生地 山查 加

酒芍 炙甘草

赴筵散

薄荷 黃柏 青黛 等分為末

甘露飲 治牙齦腫腐口臭出血喉舌生瘡

天冬 麥冬 生地 熟地 黃芩 元參 枳殼

石斛 茵陳 枇杷葉

化毒湯

天麻 當歸 黃連 丹皮 生地 赤芍 連翹

花粉

解毒丸

犀角 赤石 丹皮 生地 甘草 防風 歸尾

連翹 黃連

人中白散

黃連

枯礬

錢各二

冰片

人中白

錢各一

黃栢

錢七

蟾退紙

灰

錢五分

五倍子灰

錢七

火煨紅棗

一枚

胆礬

錢四

搽牙散

銅綠

雄黃

五倍子

枯礬

白褐布灰

烏梅灰

細辛

胡黃連

牙疳方

人中白

枯礬

錢各二

銅綠

五穀蟲

錢各五

麝香

分二

鹽梅

火煨

白褐布灰

錢一

茶葉並根湯洗過敷之

鴉片馬疳散

鴉片 梅花冰片 牛黃各一錢 熊胆二分 血竭 乳香

孩兒茶 沒藥 雄黃 輕粉各五分

棗靈丹

小青蝦蟆百枚 生礬三錢 南棗五枚 銅綠三分 射香少許 共搗勻鹽

泥封固火煨存性研碎敷之

近義散

河南棗二枚 每棗入白砒一釐 火煨烟盡存性 鉛三分 水銀五分 共炒成粉 枯礬

黃柏末

各五分

研細為末

洗心散

木通

當歸

大黃

黃連

麻黃

甘草

生地

薄荷

桔梗

連翹

牛蒡燈心煎服一方有白朮

白芍

荆芥

硃礬散

硃砂

錢三

白礬

錢一

陰陽散

黃連 乾薑末 錢各二 先用蟻螬蟲搥水洗淨敷之

除蟲丸

黃連 蘆薈 乾蟾 火煨各一錢 史君子 二錢五分 川蓮肉 七個 夜

明砂 二分 烏梅肉 共搥為丸飯湯送下

化蟲丸

黃連 錢一 川椒末 錢二 苦楝根白皮 烏梅肉 七個 共搥為丸

艾湯下

牛黃散

牛黃

分一

雄黃

輕粉

枯礬

川椒

乳香

沒藥

冰片

龍骨

貝母

五倍子

白芷

白芨

苦參

赤石脂

錢各一

共為末苦參浸油調搽

犀角黃連湯

犀角

黃連

錢各一

烏梅

枚一

木香

分二

吹藥方

人中白

錢三

薄荷

分二

冰片

分一

紅白丹

敷藥不効爛成深潭者用砒末少許以雞子清調之刷
在猪血紅紙上晒乾燒灰加雄黃硃砂各一錢為末吹入
口中隨吐出涎水不令吐下

馬牙疳久不收斂方

升麻 葛根 連翹 牛蒡 苦參 丹皮 蜂房

荊芥 黃芩 金銀花 木通

敷藥方

絲瓜灰 青黛 人中白各一分 兔茶 硼砂 蟬脫灰

各五分
胆礬
分三
輕粉
分八

又方

五倍子灰 乾姜灰 紅毡片灰 青黛 硼砂 訶

子 兒茶 射干 冰片 黃柏末

又方

三黃製蘆干石 珍珠
錢各一
人中白
錢二

又方

醋煨蘆付石 青黛
錢各一
冰片
許少

又方

人中白

五谷蟲

錢各一

赤石脂

海螵蛸

各七分

乳香

兒茶

沒藥

硃砂

枯礬

珍珠

各五分

五倍子

血

竭

各三分

牛黃

冰片

麝香

各二分

珍珠散

珍珠 冰片

硼砂

人中白

元明粉

槐皮灰等


分為末吹入

貼足心方

兒燈檠草根加射香少許搗勻加雞子清男左女右貼湧泉穴油紙蓋扎好一週時換

內潰門

內潰者胃爛也因風寒阻遏氣粗熱甚身必戰動肚腹急痛潰而成膿口舌皆白是其兆也極為慘傷識者當于未出之前見有風寒阻遏氣粗熱甚身必戰動肚腹急痛緊防此症逐散寒邪開洩腠理縱毒使出自無內潰用敗毒散或升麻葛根湯



仁端錄卷九

欽定四庫全書

子部
仁端錄卷十

詳校官太醫院吏目_臣周世泰

編修臣倉聖脈覆勘

總校官庶吉士臣何思鈞

校對官學正臣常循

謄錄監生臣潘河

欽定四庫全書

仁端錄卷十

明 徐謙 撰

陳葵 刪定

咽喉門

咽者胃之管主納而不出司飲食喉者肺之管主出而不納司呼吸心包絡三焦之脉並絡於喉此為君相二火為主痘疹其火上蒸咽喉最為先受故初標必察咽

喉之痛否以發散解利之令毒出不留於咽喉要地苟不清解其毒必致腫塞飲食阻而呼吸碍喉中氣汨汨如水聲喪無日矣首尾俱用解毒湯外吹玉鎖匙

胃火薰蒸侵喉而痛但看唇瘡上下密而腫者其喉必腫痛蓋脾胃相表裡故也用射干鼠粘子湯

肺火津竭不能滋其化源尖上作痛者用四物湯加麥

冬 五味子 人參 連翹 元參 黃芩 木通

咽喉有瘡痛燥破傷流涎者急用退火以防厲期瘡水

吐食失聲之變用甘桔湯加麥冬 牛蒡 元參 杏

仁 荊芥或調小無比散解之或如聖散加薄荷枳殼

腫大者點玉鎖匙一聖散 咽乾便閉用四順飲

身不熱而喉痛者毒氣鬱故也用甘桔湯大成散以開
之

喉症須審能食而臟腑有熱者方可用前方解利如上
焦雖熱却見小便清大便溏飲食不進者當以清上溫
下藥調之只用甘桔湯牛蒡亦量用

發熱咽痛

發熱初標咽喉微痛者宜清解用甘桔湯加牛蒡

發熱不退晝夜煩躁口舌生瘡唇裂咽痛者此熱毒內

薰其勢急也用甘桔湯合黃連解毒湯同服

報點起脹咽痛

初起心胃有熱毒上冲咽喉乾澀而痛者宜預解之若
失解發而為瘡腫脹潰爛無及矣宜清咽膈解肺毒甘
桔湯合黃連解毒湯加牛蒡

水漿不入者用射干鼠粘湯加桔梗荊芥山豆根消毒
飲抱龍丸牛黃八寶丹龍珀散紫雪方最妙

養漿咽痛

七八日痘皮堅厚明潤而喉痛者不妨色淡無力者宜
清解而兼助發毒用保元湯加元參山豆根

成漿而猶喉痛者毒火上蒸也用甘桔湯加童便製人
參煎成調下小無比散

身不熱而喉痛者毒氣鬱結也用甘結湯

痘後咽痛

九日後當叅以四苓散

厥後咽痛不食者用甘桔湯加防風元參牛蒡升麻
射干黃芩

治案

一兒患血熱痘先用寒涼藥起發灌漿頭面胸背皆濃
但兩腿凹面陷不起用黃芩黃芪托之反熱渴煩躁大
便溏泄咽喉腫痛改用清咽利膈方而愈

解毒湯

山豆根

麥冬

錢各一

元參

桔梗

牛蒡

錢各七

防風

甘草

分各五

生薑

片一

水煎分三四次服

射干鼠粘湯

生地

白芍

元參

牛蒡

射干

山豆根

龍礪散

礪砂

青黛

山豆根

冰片

分各五

紫雪方

先以水五碗黃金器煮三碗去金入寒水石犀角石膏
羚羊角元參丁香甘草升麻再煎至一碗去渣入好芒
硝同煮用柳枝攪不住手候凝入磁盒內又以硃砂麝
香亟攪和勻貯磁瓶勿走氣每服一錢溫水化下

參定清咽散

殭蠶 火硝 元明粉 人中黃 薄荷 瓜蒌皮

青黛 山豆根 檳榔磨汁紙上晒乾各五分 冰片一分 肺

虛久不聲加訶子末五分 痘未收去訶子痘收後加訶子

雄黃

辰砂

各三分

火邪未清勿輕用訶子五味子反令

作喘

傳心錄涼膈散

猪苳草

旱蓮草

水萍

雪裡青

山豆根各取汁

同服

又方

粉草

車前

羌活人中白每服三錢至六錢滾湯送

下

稀涎散 治胃熱咽閉

山豆根 熊胆 細茶 薄荷為末先用薄荷漱口然

後吹之

胆礬散 兼治喉癰喉風

雄鵝胆

三個

青魚胆

五個 枯礬收乾

刺毛窠

一兩 火煨

黃栢末

百草

霜

各五分

共研末吹之

清咽利膈方

山豆根 麥冬 貝母 桔梗 元參 防風 殭蠶

穿山甲 當歸 白芍 山查 紅花 生地 陳皮

蚯蚓 牛蒡 黃連 黃芩 甘草

噎逆門

喉中氣食二管氣管即喉嚨又名會掩細容一線在喉之前食管即嚥噎也甚寬在喉之後飲食入喉先以會掩其氣管水穀方從食管入胃今喉舌有痘則必脹硬飲食致入氣管而噎逆也然飲水多噎者因水柔弱易誤入氣管也穀食不噎者因有渣滓自直下賁門

即胃上脘

不能傷侵氣道也水滄湏治其痘則滄自止故開口就
滄連滄一聲而遂止先進飲食而後滄氣悠言清者皆
無害也兼嗽兼喘兼吐七日以前音啞水滄者並為逆
候七日以後痘潤無妨故要看痘色如紅紫而滄者熱
重壅塞而上冲也灰白不起而滄者氣血虛弱肺胃受
傷也見痘之初即宜清肺補腎調脾益肝先哲用桔梗
湯解毒湯並加荊芥防風牛蒡麥冬杏仁元參山豆根
之類服於將發未發之前所以清氣道不使毒犯咽喉

預防之法也

未行漿而噎此毒氣壅盛其喉必痛用利咽解喉湯
痘色乾滯而噎宜再為補發用保元湯加麥冬桔梗
不因飲食而噎此為乾噎初痘時為肺受火毒宜升解
之用至寶飲加沙參笋兜少與柴胡黃芩清之

膿痂時乾噎用無上飲加淡竹葉沙參竹瀝姜汁

成漿時痘多者咽痘必早熱肉虛皮薄易破觸之即痛
痰涎粘裹飲食難進強咽則痛或雜膿血痂皮痰涎而

出此亦肺受火毒津液不足而痰生也聲音清亮者可治用甘桔湯加牛蒡花粉利咽化痰多服自愈

食入噎吐者此咽喉受傷門戶隘塞亦惡候也

舌上有瘡破如蜂房舌痛強硬不能下咽水噎食吐待舌瘡愈自然平安將靨時噎吐痘色根窠淡紅者用噎効方加川芎當歸

至寶飲

起脹前用桔梗 前胡 山查 川芎 當歸 連翹

木香 茯神 紅花 青皮 牛蒡 木通

灌漿後用人參 黃芪 桔梗 貝母 川芎 當歸

山藥

養胃化毒湯

白朮 陳皮 砂仁 黃連 茯苓

滄効方

杏仁泥 沈香汁 蜜 人乳隔湯頓溫服

又方

人參

桔梗

各一錢

枇杷葉

三片

煎成加乳磨沈香汁頓服

聲啞門

痘已出而聲變者形病也痘未出而聲變者氣病也瘡
出而聲不出者形氣俱病也痘家以清利咽喉為第一
肺屬金而生氣金空則鳴金實則無聲心火上炎肺熱
則脹孔竅閉塞毒無從出舌根陷坑咽門腐壞呼吸俱
廢為難治矣須早為清解鄒僊虛曰挫聲者必熱渴鴉
聲者必驚悸連綿者多肢體之逼迫哀細者多胸臆之

鬱悶斷絕者多熱毒之攻冲浮漂者多汗泄而頭痛沉實者多脾虛而驚瀉如咬齒者督脉絕如破鑼者肺脉絕如放弦者肝脉絕如墜石者脾脉絕如雨滴者心脉絕啼哭無聲但見淚出口動者腎敗也聲啞如破如鯁者喉爛也

初點隱隱又無感冒而舌燥唇裂聲啞及四五日黑陷而聲啞者皆不治

初熱聲遂變此重症也用清肺飲甘桔湯加牛蒡荊芥

元參養漿收靨失聲此家危之症若能言而聲濁不清者用甘桔清金散或用瀉白化毒湯甚則用導赤散甘桔湯加牛蒡花粉麥冬杏仁元參石膏訶子或清肺湯仍用噙化藥瀉白散加花粉石膏桔梗黃芩茯苓陳皮山梔麥冬聲音低小難出此心血虛耗心氣消乏雖有聲而不發揚也用導赤散加人參麥冬菖根杏仁訶子喉內無瘡因食熱藥而聲啞用甘桔化毒湯或射干化毒湯加連翹黃芩當歸犀角元參

感冒風寒而聲不清用參蘇飲加桑皮杏仁石膏

咳嗽欲啞用防風甘桔湯

咽痛不能言用花粉散

心熱腎虛不能言用四物湯加麥冬茯苓

能言而聲不清用瀉白散加桔梗石膏茯苓麥冬知母
花粉有痰用花粉貝母絲瓜子

痘色灰白虛陷失音此危症也宜用參麥清補湯兼千

金內托散

清肺飲

麥冬

三錢

麻黃

一錢

五分

知母

花粉

荊芥

各一錢

訶子

石

菖蒲

各八分

桔梗

二錢

甘桔清金散

桔梗

一兩

牛蒡

七錢

甘草

連翹

訶皮

各五錢

共為末

每服

一錢薄荷湯送下去訶皮加射干即甘桔化毒湯

瀉白化毒湯

桔梗

甘草

花粉

石膏

青皮

清肺湯

阿膠

一錢五分

牛蒡

二分

杏仁

三粒

馬兜鈴

黃芪

各五分

粘米

一撮

炒黃煎服

導赤通氣散

治心虛聲啞

木通

生地

甘草

人參

麥冬

歸身

石菖蒲

射干牛蒡湯

射干

山豆根

各一錢二分

牛蒡

紫草

紫苑

各一錢

桔梗

木通

石膏

各八分

升麻

蟬蛻

各九分

甘草

五分

人參補聲飲

人參 阿膠 牛蒡 杏仁 麥冬 石菖蒲 淡竹

葉 粘米

花粉散

花粉 桔梗 茯苓 訶子 石菖蒲 甘草等分 淡竹

葉七片 黃荊一寸

聲啞方

絲瓜仁 木通 遠志肉 石菖蒲 麥冬 燈心風

邪加柏仁 防風 杏仁

參麥清補湯

人參 桔梗 查肉 麥冬 黃芪 花粉 前胡

牛蒡 甘草 芍藥 當歸 紅花 川芎 生地

千金內托散

人參 歸身 黃芪 川芎 芍藥 官桂 甘草

查肉 木香 防風 白芷 厚朴

又千金方 治口渴吐痰聲啞

荊芥 防風 麥冬 牛蒡 茯苓 白芍 桔梗

花粉 元參 百合 山豆根 柴胡 瓜蒌

舌症門

舌乃心苗紅潤則吉燥黑芒刺則凶以內熱甚也

痘出三日心經主之見黑白黃胎者亟宜疏引

痘出四五日肝經主之當退不退根窠紅黑者用犀角

黃連木通和之

灌漿時用審黃法

也舌

舌有黃白胎難退者雖成漿必重

易退者雖重必輕

氣虛毒重津不能上行華池乾涸而舌乾口燥者宜用
補益

陰虛火熾而舌乾燥者宜壯水主之

毒重而乾燥者宜解利

舒舌斂舌者脾之熱弄舌者心之熱

時時舒舌者脾經微熱也勿用涼藥下藥

飲水者脾胃虛津液少耳

秘要云脾火盛則舞唇心火盛則弄舌宜急解火毒用
至寶飲去川芎當歸陳皮紅花加山梔黃連木通笋根
汁蓮心

痘初起一二日驚搐悶亂弄舌者毒不得伸也用犀角
地黃湯

發熱後不拘日數舌忽伸出不收者死

十二三日痘將愈時忽寒戰咬牙舌卷縮此風邪領毒
入心也用人參當歸黃芪乾姜熟地熟附茯神白芍木

香連翹

舌上痘稠密如堆粟破如蜂窠者危更加水入則噎食入則噦聲啞者死

痘多而弄舌者凶

用藥之法以舌為樞紐故可清可下視舌之焦黑黃白盡之矣可溫可補視舌之紅淡潤滑盡之矣

痰涎門

秘要云痰之難治難於發痰之初發藥難用必須預防

使終不發可也蓋毒氣閉塞不能流通過而成痰正氣
阻隔于中焦為喘為嗽而痰聲如拽鋸若失於隄防至
貫漿湏補却見痰發用補則痰盛不補則難漿束手待
斃矣治痰湏審虛實表裡如痘綻實紅活實熱也軟弱
淡紅虛寒也鼻塞涕洟宜發散外邪用惺惺散參蘓飲
寒則加半夏風則加南星白附皂莢僵蚕

凡肺胃實熱氣鬱痰滯涕唾稠粘鼻乾身熱二便秘澀
煩渴飲冷宜內外疏散使邪不壅滯用人參清膈散熱

則加花粉

毒蓄臟腑痰實壯熱胸中煩悶大便秘結宜疏導裡邪
調和榮衛使邪自散用前胡枳殼散身溫脉微便利者
勿服

三日之痰心經有之則逆五日之痰肝經有之亦凶若
素有痰者別論

痘前治痰宜用青皮桔梗前胡黃芩瓜蒌枳實

標時若左右兩顴稠密不分珠而紅者至灌漿時必然

發痰兩類屬肝肺二經金木相剋經云金木無分肺火
盛矣故知發痰宜先清臟腑服清肺飲一二劑

六日預服牛黃豁痰散則痰必不發

七八日臟腑不清必用白芍

痘正出時風邪所襲眼目直視牙關緊急者勿用峻藥
以薑附湯為主

起脹灌膿時有痰不可用二陳湯恐燥陽明之氣血孤
陽無陰不能施化也只用白水磨白附子服

六朝有疾宜清痰降火用紅爐紫雪方

收斂有痰用二陳湯不妨一云用柳牙貝母旋覆花

前胡枳殼散

前胡 枳殼 茯苓 大黃 甘草

各錢五

清肺飲

升麻 葛根 桔梗 前胡 青皮 山查 紅花

白芷 連翹 木通 山梔 羌活 防風 金銀花

地膚子 蓮子青心

薑附湯

白附子

老薑

各二錢

濃煎服取微汗

牛黃豁痰散

天竺黃

三分

川山甲

胎骨灰

牛黃

各一分

蟾酥

三分

甘草

萊豆

十四粒

共為末

紅爐紫雪方

硼砂

六分

礞石

煨

滑石

水飛

硃砂

水飛

各五分

柿霜

五錢

牛黃

冰

片

各一分

共為丸薑湯下

開痰神應丹 治咽瘡痰湧

芫花

錢三

炒黑為末每服三四釐白湯下

八寶丹

珠子

琥珀

牛黃

麝香

各二分

冰片

一分硃砂

天竹

黃

龍齒

胆星

白附

薑汁炒

全蝎

各五分

蜜丸金箔為

衣薄荷湯磨服

發渴門

渴者裡熱也蓋三焦乃水穀之道路津液乃水穀之精

華流行三焦以制火者也火非虛不發發而不解則津液不能行上以制火火性炎上薰灼心肺水性下行不能上達是以華池為之枯涸故燥渴也亦有痘多津液外注化為膿漿不能內滋臟腑故渴當分虛實治之不可恣與湯飲瓜果致傷胃氣

痘初發渴

初熱小渴常候也若大渴咽乾唇口焦燥此心火上炎腎水不升毒火妄行血枯液耗也用葛根解毒湯加黃

芩黃連以瀉心火加知母黃柏以滋腎水倍加紅花牛
蒡得舌潤則生舌有芒刺則死切勿食生冷鬱遏毒火
致不得升散也一云心火上炎宜用導赤散或辰砂六
一散

發熱自利而渴者津液不足也用黃芩湯加麥冬燈心
發熱五六日不住痘形隱隱煩渴者用升麻拔毒散

發熱起即大渴者熱內盛也宜清金利水用紫苓湯加

荊芥葛根紅花牛蒡花粉

見標發渴

丹溪云初起煩燥狂渴引飲者宜涼以解其標用六一散

錢氏云身熱煩渴腹脹而喘大小便澀悶亂大吐者當利小使用導赤散辰砂六一散

初時紅黑不潤宜涼血解毒三日外乾紅枯燥宜滋腎水

痘已標點熱毒內外蒸發以致脾胃虛燥血枯喜甘味

以自救若好飲酒者以無灰酒浸當歸頻與之酒漿亦可惟忌白酒恐發痒也後以托裡散加四物湯

痘發諸經火起銷燍肺金以致渴宜抑肺涼血使肺金生水用保元湯加麥冬草連花粉或用六味地黃丸

養漿發渴

八九日灌漿時身熱發渴此痘多毒盛表裡氣血俱虛也用人參黃芪川芎當歸芍藥甘草麥冬花粉川連痘太多血氣弱津液少咽乾膈焦宜養氣血益津潤燥

若食生冷損胃氣而津液不生變將作矣用葛根解毒湯

渴而兼瀉用人參麥冬散若不瀉去白朮加生地知母大劑作湯代茶

虛渴用陳冬米人參煎湯代茶

漿足紅活而渴用人參茯苓五味麥冬烏梅

痘後發渴

痘後不宜渴忽然渴者心胃有邪熱也其人必能食便

閉舌乾咽燥用人參白虎湯加黃連

食少便調舌咽不燥此虛渴也用人參白朮散人參麥冬散加天花粉

結痂時而渴津液竭也用保嬰百補湯加生脉散

渴甚而瀉亦甚者難治凡渴切勿利小便利之則益其渴

渴兼雜症

暑月煩渴宜清之用白虎湯

胃熱而渴津液耗也始終宜用白虎湯加花粉乾葛有汗加人參小便不利用四苓散並用辰砂六一散

毒氣聚胃時多發熱熱淫于內而外不得宣故發渴宜紫草葛根白芍甘草牛蒡紅花生地前胡渴猶不止用紅花子濃煎服此藥最能散胃中淤血故也

心火上炎而渴宜導之用辰砂五苓散

肺熱而渴治在上焦用人參白虎湯加黃連

熱邪入肺氣急咬牙而渴宜調肺氣用四君子湯加麥

冬訶子

熱壅吐瀉而渴宜升提發散

血熱毒盛而渴必狂亂便閉壯熱痘色乾紅焦紫用涼血地黃湯黃連解毒湯便閉用四順清涼飲

火痘必大渴引飲當發熱標痘時不妨以火濟火若故禁之即致渴死火毒稍解急進退火之劑如知母黃柏花粉之類

漿痂時渴用人參麥冬蘆根知母必大劑濃煎待冷恣

與食之則止否亦致渴死須驗外症治之

陰虛火動而渴是血虛也陰無驟補故難治用六味地黃丸加五味肉桂

虛渴血虛而兼氣弱者用人參當歸麥冬

血少不養心驚悸而渴者用四君子湯加當歸紅花麥冬生地遠志

身溫而渴津液耗也用四君子湯加木香葛根

微熱而渴宜利水用五苓散加人參麥冬白木甘草

氣虛而渴宜補氣用保元湯加麥冬五味

渴不止而兼瀉用參苓白朮散加五味麥冬

渴多而液竭用四君子湯加訶子肉果

足指皆冷不得至經脾胃陽虛津液不能上升而渴用

四君子湯加當歸黃芪官桂

腹脹而渴脾胃虛不能運化精微也用四君子湯加腹

皮厚朴青皮

風邪所觸而渴脾胃虛不能通調水道而潤燥也用四

君子湯加葛根麥冬五味

不能食而渴脾素弱不為胃行其津液也用參苓白朮散

氣血俱虛而渴必身熱面眊當大補之用四君子湯加當歸黃芪芍藥紅花五味或六珍湯

自利而渴者毒邪傳腎開閤不司津液下竭不能上潤自救也宜溫之用陳氏異攻散

發熱而渴火銷津液也用升麻葛根湯或紅花牛蒡湯

燈心炒米湯

飲水多而渴愈甚液竭而獨陽盛也用四君子湯加當歸黃芪麥冬五味藿香扁豆花粉

渴而寒戰者內外俱虛也風邪所集也治宜實表用四君子湯加防風肉桂當歸黃芪春夏減當歸

渴而咬牙者血熱不能榮骨而齒槁也宜補氣瀉腎用四君子湯加川芎當歸芍藥麥冬五味或八味丸倍加地黃赤茯苓

虛寒而渴寒戰咬牙泄瀉者用木香散異攻散

脾胃虛津液不足而渴有九症腹滿足指冷驚悸身溫
身熱面白寒戰咬牙多飲不已宜用木香散如不愈加
丁香肉桂然亦有脹悸寒戰咬牙之渴屬熱者宜審之
閻忠孝曰小兒驚風泄瀉瘡疹之渴皆津液內耗也不
問陰陽並用人參茯苓白朮麥冬藿香葛根五味木香

治案

一痘漿將半足漸蒼老宜靜養之有謂脾主結痂用異

攻散加山藥芍藥喘渴身熱此實症而用補劑內外皆熱也治以寬中湯又口齟發瘡以清胃解毒湯而愈

一痘八朝漿滿身熱而渴咳有痰火盛而津液涸也用白虎湯而愈

一痘起脹煩渴不已寒之不寒是無水也宜壯水之主以制陽光用六味地黃丸加麥冬五味多服而愈

一人十九歲六朝勻朗綻突淡白少神渴甚不已此虛弱而津液竭也用人參枸杞麥冬煎又以補中益氣湯

加枸杞保元湯加麥冬芍藥當歸枸杞九朝漿足渴止
服人參一觔而愈

一痘起脹乾紅焦紫根窠結實便結煩渴用黃連解毒
湯而愈

一痘六日起脹不食引飲此胃弱也用調脾內托散治
之而愈亦有毒壅不食引飲者不可不辨

一痘六日未起脹便結煩渴服保元湯煩渴益甚此毒
未盡解而用溫補則毒蘊蓄而不能托漿先用清解而

起脹渴止用保元湯收功

一痘八日漿半足熱甚引飲者有用保元湯而煩渴益甚予謂當倍加人參麥冬以止渴

一痘九日空殼無漿根血乾紅壯熱口渴用保元湯而渴更甚此腎水枯涸不能勝火宜壯水之主

一新婚後躁熱引飲亦宜壯水制火用八味地黃丸加人參麥冬五味又用補中益氣湯渴止熱減

一新婚後躁熱而渴飲冷即睡醒復索飲不已時天令

金匱要略卷之四
大寒此腎水涸不能制火乃孤陽絕陰行漿二七日而卒無陰則陽無以化也

一痘七朝潮熱口渴利下臭穢陳積此腸胃熱蒸而下也雖虛而無寒用保元固中之劑而愈若用木香散辛熱之味禍立至矣

一漿期壯熱煩渴或疑津液不足以保元湯加麥冬熱渴益甚痘色焦紫此痘本熱而衣被太暖用補反助其熱以黃連解毒湯加牛蒡子清解而愈

一痘後熱渴能食便閉咽乾口燥此心胃二經受邪也
用白虎湯而愈

一痘後口渴食少小便數此食傷胃氣精液不足故也
用補中益氣湯加麥冬五味而愈

一冬月出痘頂陷紫黑惟用當歸浸酒飲之而痘起
一痘黑陷黃色不食性好酒恣與之酒而痘紅綻

一痘火毒閉而形若死移棄外庭遇暴雨而甦此涼水
制火也

一險痘熱壅索飲不已速與井水數碗渴止痘起

人參麥冬散

葛粉 麥冬 白朮 人參 甘草 升麻 粘米

竹葉煎服

嘔吐噦噦逆門

火逆而物獨出者為吐聲獨出而短者為乾嘔聲物齊出者總名嘔吐皆火逆上冲也亦有因受寒冒寒而嘔者若夫噦者乃土敗而衝任之火自臍下直犯清道上

出於賁門

胃口上也

微則乾嘔重則聲嘶啞喑言語不振或

咽瘡潰爛最為惡候太素曰弦絕者其聲嘶木陳者其

葉落病深者其聲噦短針無取毒藥無攻謂不治也若

飢逆者乃胃寒冷氣上升也必因風寒生冷所致亦十

中之一二耳

初熱標點起脹之時熱嘔為多宜疎毒發表降火為主

切不可用燥藥加丁香砂仁之類以致血不能潤痘也

用至寶飲加薑製黃連輕者不治自愈重則紅黑乾枯

宜用山梔竹茹伏龍肝清解之如吐清水黃水膿痰者俱不妨吐臭痰肚疼者凶

外感噦吐用二陳湯加藿香柴胡紫蘓白芷枳殼生薑
內傷嘔吐用二陳湯加藿香紫蘓砂仁枳實神麴白芷
毒冲嘔吐以茱連散主之或辰砂六一散加石膏蘆筍
根汁

內傷外感兼咳嗽嘔吐者用蘇發散加生薑
口渴乾嘔用藿香正氣散加薑製黃連

吐而酸苦有聲吐訖反快者火冲也痘必紅紫用梔連
二陳湯

胃弱嘔吐無聲有物不酸若不食食下即吐困倦面青
唇白吐多順快用六君子湯參砂和胃散

傷生冷受寒氣而嘔者用二陳理中湯

失于早解咽中作痛有瘡吞吐不利飲食哽塞而嘔逆
者用加味鼠粘湯

養漿時因傷食腹痛而嘔者用平胃散加砂仁藿香煨

薑

吐而有物用養胃化毒湯

傷生冷而嘔痘變灰白者用異攻散加砂仁丁香肉桂
七八日因脾胃虛寒而嘔者用賽金散

虛嘔用無上飲加人參白朮蘆根汁嘔止尤當溫補

痘後嘔吐餘熱在胃者多煩渴求乳飲多吐乳如射面
赤五心熱喜冷用橘皮竹茹湯加黃連或竹茹五苓散
或竹葉石膏湯

臉汗引飲者用四苓散加木通麥冬

膈有熱痰煩渴便閉者用二陳湯加山梔貝母竹茹花
粉薑製黃連生薑

傷食而嘔間氣即吐者用木香大安丸養脾丸保和丸
妙應丸加麥冬山查薑製黃連枳實神麴

惡心乾噦者宜利小便用竹葉石膏湯燈心竹葉湯加
瞿麥薑製黃連天花粉之類

夏月用五苓散加石膏或竹葉燈心湯

面青白手足冷二便自利無痰心腹作痛或渴喜熱飲者用益黃散平胃散加砂仁藿香小茴香

胃凝寒痰吐清水者用猪舌湯四君子湯二陳湯調之引飲過多吐清水者名水逆用五苓散虛而乾噦者用和中湯四君子湯加橘紅半夏竹茹兼心腹痛者用丁香理中湯益黃散或四君子湯加藿香木香

凡吐症服藥不可于乳食飲湯之後強與之恐其一併吐出須緩緩漸進待藥下行既服盡以指搗兒兩內關

穴片時即不吐矣

膿期噯氣氣粗煩躁用猪尾膏手足冷口氣寒而虛噯者用木香散異攻散由熱鬱胃中欲出不得出者用半夏生薑湯加陳皮黃芩或四苓散加陳皮竹茹以利之胃寒發飢而嘔用炒鹽吳茱萸各一錢丁香五分水煎服

治案

一兒年十五血熱毒重而無稜粒正額略見分珠而又稠密唇焦口腫舌有黑刺大熱大渴先用羌活湯調催

蟄退火丹雖起發而嘔噦特甚用黃芩黃連荊芥防風
連翹牛蒡山查蟬退犀角紫草石膏大黃二劑痘乃少
潤又加川芎當歸門冬知母桔梗生地紅花元參痘漸
滋長嘔噦漸止八九朝復嘔背漸平塌仍用川芎當歸
黃芩黃連僵蚕連翹牛蒡羌活陳皮藿香石膏黃土澄
水煎服隨以桑蟲漿雞腦各二個入催蟄丹震蟄丹各
五分至夜狂躁作渴以陳冬米麥冬煎湯頻飲至天明
熟睡而痘起灌矣但大便澇加黃芩白朮山查橘紅炮

薑人參而愈

一痘成漿倒陷而噦不止亟用攻發藥以起其痘于安胃藥中加人參黃芪黑薑陳米白朮黃泥澄水煎治之而愈

一兒標點噦吐面色枯口唇焦胃氣已脫毒伏不出三日而死

一痘六朝勻朗光澤外症順而胃氣損間食則噦漿雖滿不能收拾而死吐蛔者更重

一痘後喘嘔以長水揚百遍煎清上之藥服之而愈

一痘後吐蛔因氣血弱無穀氣養蛔故也用二陳湯加生薑芍藥黃連連翹大黃治之而愈

一痘後煩渴乳多則吐身熱喜涼此餘毒在胃也以竹葉石膏湯治之而愈

一痘後暖腐有用香砂丸剋伐太過變泄瀉而死

至寶飲

桔梗 前胡 山查 當歸 連翹 川芎 木香

茯神 紅花 青皮

芣連散

黃連

錢五

芣莢

錢二

同炒為末竹茹

團一

生薑同煎湯調服

蘇發散

蘇葉

陳皮

半夏

蒼朮

厚朴

甘草

茯苓

羌活

枳殼

神麴

藿香正氣散

藿香

紫蘇

陳皮

腹皮

桔梗

甘草

茯苓

半夏 厚朴 白芷

梔連二陳湯

山梔 黃連

俱薑炒
各五分

茯苓

一分 半夏

四分 橘紅

炙甘草

各三

分 生薑

一片 水煎漸漸啣下

參砂和胃散

人參 砂仁

白朮

茯苓

半夏

藿香

陳皮

炙甘草 煨薑

二陳理中湯

人參 白朮 陳皮 甘草 茯苓 煨薑

二陳一連湯

陳皮 茯苓 生薑 半夏 黃連 竹茹

加味鼠粘湯

荊芥 防風 陳皮 甘草 牛蒡 桔梗 射干

山豆根 一方有乾葛連翹無牛蒡甘草

控涎散

孩兒茶 柏末 硼砂各五分 辰砂 雄黃各三分 共為末

吹入咽中不預治漸變失音嗆水而難救

加味平胃散

陳皮 蒼朮 厚朴 甘草 藿香 砂仁 小茴香

煨薑

賽金散

黃連

用生薑汁拌入瓶中悶一晝夜令其發熱過取出即同薑渣炒乾去薑渣以黃連為末服

無上飲

人參 黃芪 陳皮 桔梗 貝母 川芎 當歸

山藥

竹葉石膏湯

石膏 知母 麥冬 甘草 竹葉

二陳湯

陳皮 茯苓 甘草 半夏

頭面腫脹門

諸陽之會在頭心之華在面痘為陽故必主之故痘瘡
頭面稠密者重頭面預腫者逆頭面痘瘡破爛腫臭者

凶

有應腫者

痘漸起發頭面應期浮腫此毒氣發越聚于三陽之分
欲作膿漿此應腫者也至漿足收斂毒化腫消目開者
為吉若痘未熟而腫消目開者為凶

有不應腫者

痘稀毒輕熱微雖作漿而根不占據此不應腫者也
有元氣衰弱痘頂凹陷不脹不灌面不腫目不閉者是

毒不能發越於陽分也雖勉強灌膿于一時亦難保十二三朝之變用保元湯托裡快斑湯為主

四五朝肉腫而痘不起者毒存于脾也十亡八九若腫而痘形高起飲食如常者可治若痘不見如蛇皮者必凶用木通腹皮湯

八九朝正當養漿灌膿時忽腫消皮脫目開乃元氣不足毒內陷而氣外泄也用參芪內托散目早開用木香散復腫閉者吉不腫閉者凶

痘未齊而頭面預腫脹者風熱甚也經曰熱勝則腫治
宜消解用葛根解毒湯加荊芥防風蟬退白芷或消毒
化斑湯外用神應膏護目

有兼疫毒致痘未發而面目先浮腫光亮者即大頭瘟
也宜急解溫氣消則吉不消則凶

七日後變痒塌滄水錯喉聲啞痰喘者不治或用羌活
救苦湯救之

有陰虛陽盛虛陽上浮毒氣妄行肉分三四朝痘未起

壯面目忽然青腫光亮一有此症則毒不盡發七日後
氣退毒陷矣

有風寒閉皮膚毒流肌肉痘不易出目胞浮腫光亮壯
熱煩躁者經曰毒乘于心則熱熾于外也急用升麻湯
加荊芥連翹蟬脫疎解之痘透毒解目自開矣

有因氣血虛弱不能拘攝毒氣成漿毒散肉分面腫痘
不壯者此危症也宜大補氣血則痘自灌腫自消也用
參歸大補湯

有頭頂俱腫痘反平塌者難治用麻黃湯加山甲發汗
後隨症施治

起脹時頭面腫大須細看形色何如若顆粒分明紅活
綻突者吉若粘連通串模糊成片又兼灰白青黃乾燥
皮膚黑黯者凶紅活潤澤者用快斑湯合消毒飲或消
毒快斑湯以解毒更用甘桔湯加牛蒡以利咽喉寬胸
膈外用神應膏護目

凡痘瘡腫脹正面忽然破痒則邪氣內傷正氣外泄崩

沙之勢漸不可為矣

服藥後得破者復灌消者復腫飲食如常二便調和變
凶為吉也用十全大補湯合苦參丸治之

若灌漿後應消不消者是毒未化盡也猶防餘毒損目
解毒為亟不可緩也

凡痘與皮肉一般腫而有根窠及半邊面腫形色順者
俱無害

凡痘灰白面如錫餅能食便調無化症者亦無害

木通腹皮湯

治四五朝毒伏于裡肉腫而痘不起

殭蠶 當歸

茯苓 木通 甘草 苡仁 蟬退

腹皮 白芍

路路通一個 虛者加人參

消毒化斑湯

升麻 紫胡

桔梗 甘草 牛蒡 連翹 防風

羌活 蟬脫

龍胆草 密蒙花 淡竹葉

仁端錄卷十